

人物志上

聖天子聲教覃敷無遠弗屆正安雖地瘠民貧沐我朝二百餘年教育德禮之涵濡既久編氓之恥格自生士礪廉隅女爭節烈故城雖陷無降賊之民寇縱凶無失身之婦民德新皆由上德明也但小邑無大才幸有鄉賢樹進修之表隱逸挽奔競之風殉難英才香風生於忠骨全貞烈婦則正氣貫乎太虛孝友有全人篤行有碩士封典爲山川壯色忠祠與日月爭光仙釋本地靈

續修正安州志

卷之七

人物志上

一

壽耆原國瑞緬芳踪於流寓仰望流風溯世系於土司低徊土著今日之異能足數故明之義僕堪傳孝婦不遺賢婦備書闡幽□所以維世俗人物宜詳志也

封典

覃恩封誥川嶽增光正安沐封典者寥寥罕見山水有情當爲自惜幸得數人書以冠首

曾昌得

以孫薪傳晉贈夫通奉大夫吳氏封夫人

曾永元

以子薪傳晉贈夫通奉大夫達氏封夫人

曾薪傳

包授氏通贈奉夫大人夫妻

呂世顯

夫以妻子周芳氏櫛贈贈宜奉人政大

謝祥伍

大以夫子妻家陳蘭氏晉贈贈宜奉人政

呂芳楷

陳贈氏奉封政宜大人夫妻

謝家蘭

陳贈氏奉贈政宜大人夫妻

賈三禮

贈文林郎

冉 □

妻例氏贈封文孺林人郎

聶萬穎

林例郎贈文

鄭文遇

職例郎贈修

續修正安州志

卷之七 封典

姚儻

張例氏贈贈修孺職人郎妻

駱壽階

職例佐郎修

馮兆謚

萬贈氏修贈職孺郎人妻

翁鳴岡

楊贈氏修贈職孺郎人妻

冉秉元

王例氏贈贈登孺仕人郎妻

劉福田

徐贈氏奉封政宜大人夫妻

鄉賢

維鄉有賢垂為師表正安自漢尹珍受經華夏

文教始開嗣此唐有國珍宋有二冉或方畧懋

著或穆行克端雖才德不同要皆乘時自見者也

漢

尹珍字道真牂牁郡毋斂縣人珍自以生於荒裔未漸聲教乃從汝南許慎應奉受五經圖緯學成還鄉里教授於是南域始知學焉桓帝時珍以經術選用歷尙書丞郎官荊州刺史

尹珍攷

郡伯 趙遵律

後漢書西南夷傳曰桓帝時牂牁郡人尹珍自以生於荒裔不識禮義乃從汝南許慎應奉受

續修正安州志

卷之七

鄉賢

三

經書圖緯學成還鄉里教授於是南域始有學焉官至荊州刺史

華陽國志
珍毋斂人

余宦遊西南徧攷蜀黔古蹟於周得一人焉曰
萇宏於漢得一人焉曰尹珍萇宏以陰陽家言
起梁益奮績柱下名垂禮經江漢炳靈萇叔足
以當之尹珍遐荒孤露獨能北學中國受經書
圖緯之學爲南域開文一洗牂牁之陋則鬼方
自七旬格三年克以後山川靈淑蔚起人文非
道真其誰與歸乎惟其發祥之區蔚宗載於牂

牂而未析其邑道將屬之毋斂而未詳其地故南川爭之重慶府屬縣綏陽爭之綏志尹草珍講

唐廣明中有重建明邑令正安爭之州志珍所居

詹淑重修有銘今圮里務本堂現在州屬三子孫焉省志藍本范書未加區別

概諸州統於府府統於省之例播州士人方聚訟一堂而未定所歸又何所據以關其口也攷前漢牂牁十七邑後漢十六邑晉書牂牁太守領六縣南齊南牂牁領六縣毋斂且闌皆隸焉是毋斂之屬牂牁逼近且蘭固無疑義矣梁陳

以後中原板蕩夜郎諸郡邑悉竊據於充爨諸蠻牂牁且淪於夷何論毋斂也唐祖承隋驅除諸郡而毋斂一邑不見於史後之讀書懷古者考其著籍而不得况欲式廬拜墓想像其人耶靖江劉雲帆曰此無疑也今之正安郎唐之珍州唐之珍州郎漢之毋斂也道真教授南域許應之學久饜飫於文人學士獠婦苗童之口故因其斯愛斯傳者以名其郡命名之中懷賢寓焉宋田景遷不忍犯諱迺悠謬其說隱寄易名

之義

景遷以州多災沴請易珍州爲西高

唐書宋史義固各有所

當而不可以邊徼忽焉者也予召陵人也每謁

許墓

許叔重墓在召陵城

輒低徊不能去而說文諸書童

而習之白首茫如詎知汝穎之學早流傳於蠻

雲瘴雨中耶獨是吾鄉方議奉祀叔重而道真

未有專祠是所望於郡中之有志人物而企慕

前賢者

尹道真先生務本堂碑誌

于鍾岳

漢儒尹先生務本堂在正安州城東一百二十

續修正安州志

卷之七

鄉賢

五

里江七甲明萬歷四十年遵義府知府孫公敏

政重建祠宇

國朝康熙二十四年遵義府知府陳公師沅嘉慶二

十年正安州知州趙公宜霽又兩新之歲久將

替前任正安州知州朱百谷思有以建堂作室

謀諸邑人士功未竟也

岳

以咸豐八年來署州

事踵朱公未竟之緒逾年歲事邑人士請磨石

記其始末謹按先生

諱

珍

字

道真後漢書西南

夷傳桓帝時郡人尹珍自以生於荒裔不知禮

義乃從汝南許慎應奉受經書圖緯學成還鄉里教授於是南域始有學焉珍官至荊州刺史華陽國志序志文學荊州刺史尹珍字道真毋斂人又南中志明章之世毋斂人尹珍字道真以生遐裔未漸庠序乃遠從汝南許叔重受五經又師事應世叔學圖緯通三才還教授於是南域始有學焉珍以經術選用歷尚書丞郎荊州刺史而世叔爲司隸校尉考明章二字當是桓帝之誤應奉曾祖在和帝時爲河南尹邑在

章帝後奉以桓帝永興元年平武陵蠻爲司隸校尉可知桓帝時爲是然則先生桓帝時人也後漢書不言先生爲毋斂人而華陽國志南中志言之遵義府知府趙公遵律有尹珍考謂今之正安郎唐之珍州唐之珍州郎漢之毋斂然則先生漢毋斂今正安州人也而鄭孝廉珍修遵義府志以爲非是鄭氏謂毋斂縣在今都勻貴陽兩府間正安州漢瞥縣地唐溱州東境珍州東北境兼播州芙蓉縣地宋西高州及珍州

樂源縣地皆不謬州有樂源井獨以正安州爲漢警縣地以都勻貴陽間爲漢毋斂縣地此因前書牂牁郡毋斂下剛水東至潭中入潭鬱林郡周下水首受毋斂東入潭行七百九十里鄭氏旣稱剛水出今貴州獨山州故疑毋斂在都勻貴陽兩府間也又牂牁郡警下不狼山警水所出鄭氏於不狼山以今桐梓縣婁山關綏陽縣朗山關當之稱婁山朗山爲不狼山之訛夫以今之水道求漢縣地未爲無見然毋斂之剛

水未必出自獨山奚以知其然也前書毋斂下剛水東至潭中入潭言由潭中而後入潭則潭中非定周之潭可知下一潭字乃定周之潭且東至潭中入潭不言道里遠近則剛水出獨山與否不可知也警水東入沅過郡二行七百三十里今婁山關朗山關無巨川其牂牁諸浸滙爲巨川以入沅者又不僅七百三十里然則以警水證警縣警水且不足恃謂正安州爲漢警縣無疑可乎且以婁山朗山爲不狼山之訛尤

爲無稽古今水名互有同異蓋夷夏殊音文人稱述不一未可以臆度也大抵西漢始建牂牁郡縣畫野分明民大致而已水道則以細流統乎巨浸或沉受之或鬱受之皆牂牁夜卽且蘭之水也是不足爲證也尹先生之出西南夷旣有明文矣今遵義府爲西南夷地無疑也後漢書旣舉牂縣又舉毋斂則兩縣之相鄰又可知也以提封言之今正安州綏陽縣提封各五百餘里今遵義府提封千餘里恐非一牂縣所能罄

也牂縣旣與毋斂爲鄰則今正安州東北偏之地鄰今貴州桐梓縣四川南川縣庸詎知非漢毋斂地乎然是說也鄭氏必謂此曲說無確據也今都勻貴陽間無人道及尹先生者復僅鄉賢祠春秋一祭而已正安州則有務本堂後有先生墓有殘缺銅碑土人能道先生生年月日時去城一百二十里而土人猶歲時奉祀惟謹祀於城或疑爲好事者所爲祀於窮鄉僻壤此非附會者所能形似也蓋牂牁一郡於全黔最

早去蜀最近其被文教亦必最先非如都勻貴陽間苗夷土著衣班爛而語侏儻也岳故謂牂牁郡十七縣地近在烏江以內以江爲徼不遠及都勻獨山也獨山都勻間有附乎中國者必隸乎鬱林蒼梧象諸郡如今之荔波縣疑卽漢蒼梧郡下荔浦也岳又讀趙公遵律尹珍考謂前漢牂牁郡十七邑後漢十六邑晉書牂牁郡八縣宋書牂牁太守領六縣南齊南牂牁郡領六縣毋斂且蘭皆隸焉又引宋田景遷以州多

續修正安州志

卷之七

鄉賢

九

災沴請改州名因改爲西高州是故爲悠謬之說隱寄易名之義爲證據以斷定先生爲正安州人無疑鄭氏以爲唐貞觀十七年置播川鎮以川中有降珍山因以鎮爲珍州據太平御覽引

謂先生爲珍州樂源人者蓋由景重前賢唯恐非我邦所有致以唐人州郡强非漢儒鄉里岳

按南齊時牂牁纔領六縣而且蘭毋斂縣屬焉則是且蘭毋斂二縣不離乎遵義府者近是貞觀十三年以播州爲播川郡十六年以芙蓉瑯

川隸播州十七年置播川鎮卽以鎮爲珍州領營德夜郎麗皋樂源四縣可知今遵義府郎唐之珍州南齊與漢之牂牁郡也今正安州桐梓縣綏陽縣遵義縣卽唐之營德夜郎麗皋樂源四縣南齊之且蘭毋斂等六縣也南齊之毋斂卽漢之毋斂此理之無可疑論之不可易者此四州縣中何以獨定正安爲漢毋斂也考四川省志以先生爲今南川縣人綦江縣志先生爲綦江縣人綏陽縣志以先生爲今綏陽縣人正

安州志先生爲漢毋斂卽今正安州人相爭者南川綦江綏陽正安也都勻貴陽言之者且無豈亶無爭者爭者之所在卽先生鄉邦之所在也今先生祠墓在正安境內而於南川綦江兩縣實近且毋斂壩在焉以此知先生之必生於斯也且唐至今未遠也 國家禮樂兵刑多仿唐制居今之世考漢之縣舍唐宋其奚由唐宋所述我可因焉唐宋不稱我無徵焉宋太祖開寶元年改珍州爲西高州仍名夜郎郡領夜郎

麗皋營德樂源四縣隸夔州路此尤足證毋斂
之不在貴陽都勻間而與巴涪夔巫相近也後書
附下先生事於泅泅又泅泅不及公孫述象郡大姓龍鬱林董尹
蠻牽一混府可知泅泅之近蜀矣卽以今風俗考驗
遵義一混府可知泅泅之近蜀矣卽以今風俗考驗
時出標掠者不可斷乎不能先知西南夷又按晉教
論又可證毋斂人之近巴郡而遠鬱林也涪陵江陵
今之考据家往往以羣書遷就己之私見宰割
秦漢郡縣移易鄴侯食邑自以爲博其實皆優
戲來敏也卽以尹先生之故里論雖三尺童子

皆知爲今正安州某鄉人而宿士反多悠謬無
他一執卷而求一得之父老口授此史遷之所
以遨遊名山大川詢問故老然後成一家言也
國朝去東漢幾二千年而欲以酈道元水經注前漢
書註廖寥數語定西漢蠻夷中鑿空之郡縣四
至猶兩小兒以炎涼大小辨初日遠近也岳力
辨先生爲正安州人已蹈聚訟習不免爲通人
嗚然舍考據執理而談亦不敢謂先生非今正
安州人也何則孔子之徒魯人爲多文王之化

江漢居後綏陽有講堂之基南川綦江以名賢
入志正安則祠墓在焉州轄橋溪河多先生子
孫能道先生生年月日時歲歲奉祀先生之教
化於正安有獨深知先生之遺迹在近鄰爲較
著亦足以考鄭公之鄉破襄陽昌黎之謬矣旣
敘述其事以備來者參考乃作贊曰昔在新莽
禮壞樂崩世祖光武嗜經求文負墳抱策聚風
屯雲范陳鄭杜衛劉桓孫濟濟洋洋盛於永乎
偉哉洵長解字說文羽翼經傳厥功惟尊司隸

校尉圖析緯分威討惠降克平詹山推考厥時
永興之元矯矯先生東京靡羣毋斂之瑛珍山
之琨北學中國許墻應門學開天荒文回日曠
入爲丞郎出實牧荆湯湯江漢猶歌古循德教
所浹故鄉爲肫土人所祀雖野實虔後世景重
擗捨名賢或衣冠葬猶指爲眞漢之毋斂爲唐
之珍今之正安子姓實繁後儒好奇以爲都勻
引班證酈文彩鋪棗是皆未化搗鼓雷門先生
之道靡世不存先生之化靡方不分講堂有基

高塚祁連是其所生正安近焉前有千禩後有
萬年敬述顛末以待來賢珍山嵯峨樂源清漣
流連徘徊用成斯篇

大清咸豐十年歲在庚申閏三月

穀旦

務本堂自同治二年癸亥冬遭賊蹂躪僅存聖
基祭田寥寥因租微少難以重建

同治十三年甲戌歲四月正安州知州羅錦城
捐廉十千文交務本堂首士經理放息預購木
料重建

續修正安州志

卷之七

鄉賢

十三

唐

趙國珍牂牁長趙君道裔也唐天寶中屢有戰
功南詔閣羅鳳叛宰相楊國忠領劍南節度使
以國珍有方畧授黔中都督征南詔護五溪十
餘年天下方亂而此郡獨安仕終工部尙書

宋

駱世華珍州人大觀間與楊文貴等內附授奉
訓大夫內殿崇班使忠國愛民久而弗替聲名
最著

冉璉冉璞珍州人兄弟俱有文武才辟召皆不
赴余玠撫四川築招賢館禮士往謁之玠禮待

甚至久而不言使人窺之璉弟兄惟對踞以堊
畫地爲山川城池狀忽見玠曰辱公禮遇思少
裨益今宜徙合州於釣魚山得其人守之賢於
十萬師遠矣玠以聞以璉爲承事郎權知合州
璞爲承務郎通判州事徙城事悉以任之遂築
雲居大護等十餘城屯兵聚糧後果賴之

鄉賢祠

漢尙書丞卽尹珍

宋珍州總制鄭昌孫

續修正安州志

卷之七 鄉賢

十四

孝烈士

古人以守身爲孝余謂守身之忠義非守身之
髮膚也不然戰陣無勇何以非孝責之殺身成
仁舍身取義何以完人美之魯人欲無殤童汪
錡孔子何以可之蓋孝子平日無不愛身獨臨
親難知有親而不知有身也或代父死或殉親
亡死者固由至性非博孝名而時際修志採訪
者已心焉數之矣誌之以爲人子勸

文生楊子剛思里三木壩人能文有膽善擊刺

篤天倫同治二年號賊破其家捍父步青以出
一孤姪陷賊父慟戀之生奉命反尋救出使姪
前走自以身殿力戰重傷身斃而父姪俱免
文童馮汝佩江里馮家溝人父被賊撞散隻身
往尋眾阻之言遍地皆賊往恐死乃涕泣以謝
曰人孰無父父若死我何獨生含淚潛行遇賊
及難

武童王貞恒隨父監生王炳南剿賀逆父被賊
擒恒卽棄戈投賊泣代父死同及難文童馮正

邦住德三甲同治二年號賊入境家人皆逃其
父馮沛元病卧不起邦力弱不能負父走避依
依相守父命各覓生途邦惟哭泣賊突至哀求
無傷親賊索銀邦告匱賊恕加以刃邦正言責
之遂及難

烈士

烈士愛義勝於愛身全義者不必皆死有時不
死則害義愛義之士斯以身殉也正安沐我
朝教育歷年久感化深自被賊以來不特士林懷

報國之心郎匹夫無偷生之志或陷陣或罵賊見危授命身雖死而義長存志之以慰忠魂於地下

貢生徐亮采住州治西城同治四年正月二十九夜朱逆陷城帥子姪督街隣執火巷戰傷重殉難八年奏請入祠奉

上諭優加國子監學錄銜沐

恩給雲騎尉世職三世襲次完時予恩騎尉世襲罔替

續修正安州志

卷之七 烈士

十六

文生萬化成住州治西街同治四年城陷閉門自焚子孫同殉難者數人八年奏請入祠襲雲騎尉三世

耆民楊毓敏住州治北街素性戇直壽七十三同治四年城陷罵賊殉難八年奏請入祠

耆民周鳳翔住州治南街素性誠篤同治四年城陷罵賊殉難壽七十九八年奏請入祠

耆民官興隆住州治南街聞賊入城卽命其子忠彩孫官童等督街民堵禦已斃一賊恐其子

有失執刀赴救賊大至巷戰死年八十已入祠
文生馮國聰德里石井壩人郎鎮甯州學正馮
兆謐之子也詩酒自狂生死不計同治二年被
號匪掩執不屈而亡八年題請入祠
文生馮正衡江里馮家溝人能文章有膽識性
情方正品行清高同治二年陷於號匪不屈罵
賊死八年題請入祠
文童韓駢石思里三木壩人同治二年被號賊
執乘懈刃守者而逃爲他賊覺被殺

武童嚴宗璜字其琳思里楊柳壩人年二十九
慷慨有膽勇咸豐八年奉州牧于公札督團攻
剿濯水賀逆連戰皆捷十月十三日思南三屬
賊犯鐵窰童徇於眾曰今日不奮勇眾必死大
呼陷陣殺賊數十手刃賊首羅將軍僞元帥楊
五眾繼之賊大敗連夜逃至思南胡黑二賊營
童身受十餘傷力盡而仆童雖死而賊遠遁眾
收葬相與泣嘆曰若非此公舍生我輩皆死也
鄉里聞之皆墮淚而稱爲烈士

武童張庚長小里湄江人同治三年號匪掩至被執罵賊而死

儒童劉徐育住州治西街浙江太平縣知縣劉福田之次子敏而好學城陷殉難人皆惜之八年題請入祠

儒童吳澤口州治北街人胞兄弟也素性勤敏同治四年城陷與母吳江氏同時殉難八年均題請入祠

團民楊畏知德里杉樹灣人賊由天羅巷掩至

續修正安州志

卷之七 烈士

十八

有父八十餘歲民負之以逃方數武賊突至遂殺之而舍其父 已稟未入祠

街民官家春興隆之長子賊攻城甚急恐其不敵登城禦之鎗傷斃八年題請入祠

團民汪佑福德里汪家田人同治三年苗號賊突至負老父汪應仲逃走賊追及父子皆死

監生王炳南住小四甲山頭咸豐八年督團攻剿賀逆奮勇陣亡殉難者數十人眾皆悼惜在大路墘場建良民祠以祠之

文童張香亭湖北人流落正安至湄江遇文生張天球憐其才收養之咸豐四年桐逆變童恨賊入骨遊說各處紳民齊團攻賊不遑安處八年攻剿賀逆被賊執不屈死

文童呂啟鍾德里桃子壩人離城七里性聰敏學已有成士林以大器期之同治四年正月二十九夜城陷童聞難郎帥族督團告奮勇於二月初二日取城身先士卒破郭超垣挺戈進剿殺至署前賊敗將出逃也尾隊懼而奔戰無繼

續修正安州志

卷之七

烈士

十九

死於賊同殉難者數十人皆入昭忠

姚汝勤字秋圃貴陽府貴定縣城中西門人咸豐八年在州牧于鍾岳効用因入州籍以功保準拔補千總越同治元年復剿遵義縣東隅里七甲深溪水六月初一日奮勇衝鋒陣亡
團首韓永智小里濫泥壩人咸豐八年奉牧伯于公札攻剿賀逆奮勇爭先遇伏力盡罵賊而亡

文生史載筆思里史家林生平詩酒自樂偶

儻不羈同治二年遇號匪至罵賊而亡八年題請入祠

團首牟應官小八甲牟家坪人同治三年五月髮匪擾境督團防堵石保寺河連戰四日皆捷至五日賊分二隊以一隊對壘以一隊暗攻其後力盡陣亡

耆民鍾遠貴住州治東關外年七十生性剛直乙丑賊陷城孫毓靈等以祖年高力扶出逃誓曰今皇城已失理當效死汝等各逃生命以存

續修正安州志

卷之七

烈士

二十

宗嗣強扶再三力拒不出竟罵賊鎗傷殉難尸骸無存八年題請入祠

烈婦

薄氏之賢失節於漢文姬之智辱身於胡千古女子於干戈擾攘中求其從容死節固甚難也正安婦女沐

朝廷宮闈雅化重名節輕死亡遠勝前代殉姑難者有人殉夫難者有人矢志堅貞捐軀全節者更有人甘玉碎惡瓦全足見

聖治之隆也特詳志之

孝烈婦

恩貢生冉中立妻韓氏住思里傅家營小里上河
韓嘉元之女邑庠冉炳堂之母也年四十六歲
女時嫻姆教于歸後以家政自承中立得專意
詩書爲邑名士歷年設教遠方氏居家孝翁姑
和妯娌上下敬其賢不煩言而家無廢事田宅
日增皆氏力也族有孤女收撫之如己出擇快
壻厚嫁奩里黨咸羨同治三年號匪破家夫在

續修正安州志

卷之七

孝烈婦

二一

外翁先逃氏急以竈烟塗面隨姑出欲混脫虎
口不料賊執姑剥衣氏憤怒以身翼姑拾石擊
賊且擊且罵賊舍姑露刃向氏氏不稍屈氏被
殺而姑得免氏弟冉南極姪冉崇法舍生趨救
同時慘死

黃在仲之妻張氏思七甲人同治二年苗號匪
竄擾閭家先逃氏獨扶姑走賊奪氏殺姑氏肆
口罵賊賊怒割其舌復嘔以口血拾石擊之賊
並殺氏棄屍路旁狼守其屍而不犯月餘賊退

收斂面色如生

烈婦

監生張芳潤妻韓氏住小里湄江同治二年號賊突入氏被執不屈死

張忠流妻韓氏住小里湄江結縊甫二載氏歸省親忠流東作江水驟漲渡河淹沒氏聞訃涕泣別母急歸探夫死處至江邊梅子巖飛身墜下無恙又起而投江眾阻莫及數日水消夫婦屍聚一處亦精誠之固結也

張忠閣妻韓氏年二十住小里湄江同治三年號賊擾境夫婦走散氏逃至大礮河邊遇賊突執氏手欲強污氏給之曰何強爲釋手當從君賊信之氏脫身驟投河死

張忠順妻楊氏年十九住小里湄江同治三年遇賊不屈死

鄒丹桂妻席氏鄒玉桂妻王氏鄒花桂妻王氏鄒龍發妻涂氏住思里舊城同治二年號賊竄擾四婦被執皆不屈死

周鍾椿妻陳氏住州城西門學後街年二十九同治四年城陷以子付姑抱幼女從容投廁舍生全節十三年申請旌卹在案

徐楊氏分州楊守儉之女拔貢徐書祥之妻住州城西街同治四年城陷氏素知大義全節而死八年奏請入祠

儒童徐集祥妻涂氏住州城西街同治四年城陷氏恐受污投井死八年奏請入祠

趙聲楷妻周氏住州城東街同治四年城陷罵

續修正安州志

卷之七

烈婦

二三

賊而亡

萬簡氏萬翠姑萬冬枝俱隨祖父萬化成自焚殉難已入祠

傅周氏吳江氏廣趙氏王何氏俱住州城內同時殉節皆已入祠

江胡氏住小八甲胡家營同治三年髮匪入境避居山寨五月二十日寨破奔巖邊飛投半圉匿之冀得免忽被賊見賊謂氏曰從我恕爾不死氏知難逃亦給賊曰援我當從賊信之三四

賊以手聯手接下援氏氏捉賊手奮力躍下數
賊隨墮而死不特節烈可嘉才智亦可傳也
姚熙在妻韓氏住小七甲年二十同治二年冬
髮匪突至欲逼汚氏不屈罵賊賊殺之剖其腹
及賊退收葬面色如生
文生李治馨妻王氏住鐵窑年三十六避亂鷓
子巖寨賊攻破氏恐辱墜巖死賊尋屍剝衣天
忽昏屍不見賊退屍存收葬時面色如生州牧
于鍾岳題其墓曰烈性堪旌

續修正安州志

卷之七

烈婦

二四

烈女

何大珩女何邠姑年十八住德里長岡嶺同治
四年號賊破砦父女陷賊一賊欲辱女女扭賊
墜巖俱死其父見之亦隨墜而斃

廖杏庄女廖蓮姑年十六未字住州城南同治
四年城陷姑隨母逃出至石梁河投水死五年
題請入祠

韋羨興女韋姑年十八未字同治三年號賊入
姑遇賊不屈投水死

陳光華女陳三英住州治西年十六未字素守
閨範同治四年避亂至三把車途中遇賊恐爲
所污墜巖死月餘賊退父母收葬面色如生
楊昴姑年十八小里五甲人同治三年號匪亂
避深山中被賊搜及罵賊不屈連被數刃而死
貞姑馬援弟郎馬登元之女馬如珠之妹也生
於道光十四年住州北城幼字東城宋兆華之
子宋明仲未嫁而夫歿姑望門守貞誓不渝志
父沒隨兄居以女工度日同治四年朱逆陷城
兄嫂逃避姑時已三十一歲出差露面居恐辱
身閉門自焚以全志節真閨閣完人視死如歸
也

昭忠祠

嘉慶元年銅仁興義苗變奉派出師陣亡兵丁
彙題從祀

戴剛 李允元 汪貴 汪雲

文申 馬文貴 陳金玉 馬正國

熊學元 余相 史思禮 黃允貴

湯雲朝 王從讓 余成 唐國明

胡士龍 王如啟 李洪元 李銘

王竒奉 陳于新 周世祥 張明德

邱貴 魏得志 胡占得 陳正喬

龔以順 蔡全 王大明 王治廷

周之奉 陳廷龍 廣申 王如仲

王國桂 陳大雲 朱文榜 吳松

夏正竒 簡昌遂 唐新元 黃廷舉

李端 何正旺 楊文道 陳文元

續修正安州志

卷之七 昭忠

二六

馬得雲 何元 文在揚 朱國友

徐光雲 韓登舉

以上共計五十四名領

卹入祠

咸豐四年以後陣亡兵勇詳請彙

題入祠

王興朝 尹元山 鄧二 任德享 六軍功品

鄂金榜 楊芝棟 千候補 姚汝勤

同治八年三月十六日彙

題入祠殉難盡節紳耆士民婦女共計二百零九名

陳國安

候選訓導

徐亮采

文童

劉徐育

萬世朝

文生

萬化成

監生

王正興

敖步瀛

文生

旺開維

文生

史載筆

李萬會

文生

馮正衡

文生

雷一聲

李天福

文生

馮國聰

文生

馮思贊

馮國壽

郭銀貴

郭名壽

駱寅貴

陳林三

傅占元

張明輝

萬益昌

胡宗壽

續修正安州志

卷之七

昭忠

二七

謝太興

曾長松

章瑞雲

駱延蓬

徐光春

楊一元

周忠

王國珍

張三太

楊毓敏

張貴生

張福

徐振清

張雙發

李祖佑

何紹榮

萬錫安

周鳳翔

晏學仲

晏敬之

官興隆

吳以倫

劉子璠

杜光國

鍾遠貴

陳文星

余國龍

羅太平

丁貴

李林

羅剛

趙世友

杜新喜

余仕虎

駱倫華

楊八十

王雙喜 王立德 王香培 周銅匠

謝布客 楊老四 梅占魁 鄧義祖

官家春 馮回生 馮冬 王天喜

陳世順 帥文朝 蔡汝貴 余仕相

吳家喜 牟萬里 牟萬芝 牟恩

陳全 金長發 汪長貴 李海

鄭光謨 郭永壽 雷顯聲 曹光華

包正椿 趙舉良 周德長 周應儒

周能敖 陳光華 呂世玠 呂圖三

續修正安州志

卷之七 昭忠

呂黑子 呂太和 王公玠 羅咩三

羅世德 雷承照 張秋生 包正科

李仕壽 張喜 包正華 包升高

包長福 包正德 駱三 唐福林

龍貴 包正槐 包長斗 包正榜

包正爵 包正明 包正西 包正杰

包天朋 包正廷 包正領 包正相

包正發 包天海 趙蠻 李三五

包正仲 包正舍 包正宇 包長友

駱芳連 馮 二 徐名山 王占標

朱洪順 梅占彪 田應順 張得勝

王占彪 高占魁 李甫超 李昇平

梁新春 雷占廷 王占春 桂廷魁

桂洪春 李洪順 王占魁 謝洪順

謝金山 張占廷 程占彪 邱正倫

吳古枝 李如貴 傅誰安 傅廣龍

黃銀山 簡小滿 朱占彪 劉廷彪

劉鳳山 謝玉山 謝玉川 謝太極

續修正安州志

卷之七 昭忠

謝洪順 文世啟 黃正邦 冉廷芳

黃正音 吳春陽 嚴占春 劉洪喜

張豐順 張占鰲 黃占彪 萬思朝

王錫周 李義川 晏 陞 江鍾麟

吳澤周 吳澤昌 盧發順 謝洪發

楊洪順 李福生 李三多 李喜二

劉文啟 文貴林 呂啟鍾 萬福林

徐涂氏 徐楊氏 萬簡氏 萬翠姑

萬冬枝 傅周氏 吳江氏 廖蓮姑

廣趙氏

計開光緒元年采訪殉難士民

生文 馮思澤 王貞恒 楊廷芳 江元福

生監 王炳南 張玉寬 彭朝祿 冉福生

生監 張芳潤 何順 彭級生 葉茂林

生貢 冉椒蕃 余昌福 楊畏知 陳世臣

生文 冉泮林 陳木橙 葉興高 余星彩

余昌良 余文 劉三 余坤啟

余湖廣 余長祿 余長林 余儒林

續修正安州志

卷之七 昭烈

三十

余文仲 余童子 余辛邠 余長松

余昌全 余運隆 余貴子 簡黑二

呂玉太 簡大啟 陳多三 陳澤久

呂打杵二 余坤鼎 秦仁祿 秦澤友

秦幸福 秦澤朋 郭文星 秦澤發

秦洪榜 吳德生 陳嘉業 秦富生

杜啟順 杜鰲頭 嚴宗現 嚴宗璜

嚴世仲 嚴品三 張三邠 王貞鳳

尹毛四 張香亭 胡先紅 朱八德

朱宗萬 熊德濟 王文開 鄭見常

萬三喜 尹元佐 嚴世銀 嚴文元

鄂芳回 嚴宗漢 鄂貴喜 王剛

張德堯 嚴宗培 余回德 嚴世澤

尹華鳳 李耀輝 李春山 吳占彪

張定國 高和氣 易大堯 盧萬鎰

唐占標 韓貴喜 商竒才 唐明

鄭洪順 胡東 蔡占鰲 李占彪

鄒花桂 鄒龍發 鄒丹桂 鄒其二

續修正安州志

卷之七 昭忠

三一

吳連喜 雷濟 馬天旭 馬惠仲

何玉樹 余世太 牟業德 李萬聰

王澤元 馮啟元 張聯麟 楊凝寬

郭方紅 文貴林 劉文啟 趙貢金

趙元茂 鄭光斗 鄭先閔 鄭光讓

駱三 袁龍喜 楊步青 嚴文質

嚴文穎 嚴世明 嚴宗廷 嚴春喜

嚴世舉 嚴宗瓊 嚴三 張芳

張三 趙采福 嚴世啟 嚴宗長

楊德朋 汪應爵 汪應仲 汪應福

杜興周 王戊寅 簡光玥 呂三槐

余烏稍 呂文林 余明德 余六

呂啟業 呂啟儒 呂啟重 呂啟良

呂文玠 呂啟順 呂啟科 呂啟芳

呂啟碧 呂文喬 呂文恩 呂文義

呂啟禹 吳萬字 呂文修 呂文亮

呂文光 呂文坤 呂啟元 呂太祥

呂明桂 曾寶林 曾三龍 簡二

續修正安州志

卷之七 昭忠

姜春 姜巴二 楊陞貴 姜啟祥

馬仲福 唐三 余坤在 余文禮

余文光 余文林 余坤毓 余坤方

余坤榮 李明清 雷正超 劉占魁

委外 朱玉光 朱海山 馮汝佩 馮正邦

生文 楊子剛 韓永智 韓駢石 張長庚

雷桂樑 華滿三 何二 鄧同貴

雷先洪 劉代忠 李治賢 雷桂碧

李煥達 李煥享 李高二 李順

李細三 楊二 韓大二 韓順堅

李德慶 李二春 黃世朋 冉同貴

袁銀 李肥三 李喜生 李國均

李先賢 鄧才 李咩三 鄒毛

鄒二 鄒元 鄒六 田三

廖喜 謝福申 保田才順

李第槐 趙舉梁 桂龍 鄭光輔

胡紹先 牟應官 牟潼 牟火炮

劉崇發 李三 李福生 李澤霖

續修正安州志

卷之七 昭忠

三三

黃道安 文生 李斐然 黃太平 王者輔

曾元龍 徐玉蘭 楊德栩 唐三

殉難婦女名目

王何氏 黃張氏 張韓氏 鄒席氏

張韓氏 鄒王氏 張楊氏 鄒涂氏

鄒王氏 張韓氏 趙周氏 艾李氏

陳袁氏 冉韓氏 何邠姑 韋姑

陳三英 周陳氏 袁黎氏 李曾氏

楊昴姑 饒崔氏 江胡氏 姚韓氏

姚韓氏 馬援弟 李王氏

友義

明 尹知明州人父早逝撫弟知朗知清成立婚配以自置田業分給之子尙春亦以產分姪爲之聘娶時稱義門

國朝

吳宗周州人弟榮四歲父歿宗周撫之長成婚娶以產均分

周日顯江西金谿人乾隆二十八年來州貿易州人以公道稱之勤瘁膳親復爲弟兄受室稍

續修正安州志

卷之七 友義

三四

有餘利郎買多棺以施州人之死無歸者伊孫國學生殿拔生理微薄仍勉力施材以承祖志

云 趙志

張師文州民住思七甲龍塘有弟八人齒繁家落民入川營販宿逆旅拾遺金數百守候失主盡數璧還失主直之約入井燒鹽獲厚利歸家傾囊置田宅析爲九自取一而以八分給諸弟事葬祖父獨力任之州牧汪欽額其閭曰友義名家至今人高其義孫曾多遊庠食餼者

童生賀東昇苦志力學屢試未售父歿撫庶母弟明齋華亭成立終身同居鄉里奉爲儀表
隱逸

隱士不求名而名終不沒者蓋清風高節可以
挽竊名罔利之頽風扶正己潔身之士氣令人
稱慕不忘也

明
鄭紹業珍州土官之子性淳雅諸昆弟爭篆相
鬪紹業獨徜徉山水間琴書自娛居深山中惟
恐人見遂掘斷路口斷賓客之往來焉

續修正安州志

卷之七

隱逸

三五

國朝

楊應麟字吉庵先世麻城籍卜居正安州天性
仁厚常從亂軍救擄掠者二十餘人拾遺於道
訪而還之晚年屏跡林泉究心易理著有易經
辨義二十五卷 舊志
李裕棟歲貢生州東關外大士坪人性高潔惡
浮囂棄家遠避邊鄙小八甲牟家坪隱居教授
邊民野性化焉數十年不履城市七十五歲沒
門人輩卽館地旁葬之

續修正安州志卷之七終